

keibubapaan.

Manjakan anak berpada-pada

Didikan silap, bunuh potensi, jadi tidak bertanggungjawab

Setiap anak boleh dimanjakan tetapi perlu ada batasan kerana sikap berlebih-lebihan itu hanya membuatkan anak itu tidak mampu berdikari, bersikap meminta-minta dan akhirnya merosakkan masa hadapan mereka.

Tidak salah menunjukkan kasih sayang, asalkan kena pada tempatnya. Ibu bapa perlu melihat dalam skop lebih luas dengan melatih anak mampu berdikari, mengenal pasti bakat, memberikan sokongan terhadap usaha baik, mendidik luaran dan dalaman dengan ilmu yang boleh memanfaatkan mereka pada masa hadapan.

Justeru, usah biarkan anak 'memberontak' sehingga ibu bapa tunduk segala kehendak mereka.

Pertimbangan wajar
Setiap keinginan anak, sepatutnya

dipertimbangkan ibu bapa dengan wajar.

Kaunselor Berdaftar dan Perunding Psikologi Kanak-Kanak, Remaja dan Dewasa, Universiti Putra Malaysia (UPM), Dr Siti Fatimah Abdul Ghani, berkata jika keterlaluan memanjakan anak, ia tanpa sedar boleh membunuh potensi anak.

"Potensi akan terbantut jika anak tidak beri peluang untuk buat keputusan sendiri, tidak mengawal masa mereka menonton televisyen dan tiada sekatan atau peraturan langsung anak bermain gajet tanpa had serta peraturan. Segala kehendak dituruti," katanya.

Beliau berkata, ibu bapa yang manjakan anak tidak menggalakkan sifat ingin tahu anak. Segala perkara perlu datang dari ibu bapa.

Kesannya, anak menjadi tidak bertanggungjawab terhadap tingkah laku mereka dan juga cenderung bersikap pesimif iaitu

info

Tangani anak manja

- **Sering berinteraksi** dengan mengenal pasti peraturan tertentu. Bersemuka perlu dijadikan rutin supaya anak terbiasa dengan peraturan ringkas
- **Menemani anak** ketika mereka bermain di rumah. Wujudkan suasana harmoni bersama dan selitkan nilai menyayangi dan menghargai mainan yang ada.
- **Didik anak** untuk mengemas barang mainan bersama-sama. Pada masa sama, sedarkan mereka mainan banyak dan masih baharu.
- **Galakkan** untuk wujudkan janji sebelum keluar ke mana-mana.



berprasangka, penting diri, tidak telus dan berfikiran negatif.

Tidak pandai menguruskan diri
Katanya, anak manja biasanya tidak pandai menguruskan masa dan diri sendiri disebabkan tidak pandai berdikari.

"Anak jadi kurang inisiatif dan kurang kreatif. Mereka juga kurang dinamik, sukar sukar berinteraksi dengan persekitaran sosial dan gagal menyesuaikan diri.

"Mudah berputus asa

dan punya ketahanan emosi agak lemah. Kemanjaan yang melampau menyebabkan mereka terlalu bergantung dan takut untuk memulakan sesuatu yang baharu. Apabila berada dalam situasi sulit, mudah hilang arah dan berputus asa," katanya.

Selain itu dikhawatir apabila dewasa, pemikiran masih seperti kanak-kanak. Jati diri mereka juga mudah terganggu dan dikhawatir, kesannya boleh menyebabkan pengaruh negatif yang semakin menular dalam masyarakat.



Ibu bapa perlu menggalakkan anak belajar berdikari.



● ●
Berpada-pada kerana ia akan merosakkan akhlak anak dan mereka mudah memberontak apabila dimarah atau ditegur"

● ●
Jika terlalu manjakan, risiko anak tidak mahu mendengar nasihat dan tidak pandai berdikari"

Nor Azlinda Osman,
Pekerja swasta

Husnaini Dunnia,
Pekerja swasta

